



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 67. Dixit que illi Iesus: Amice ad quid venisti. v. 50.

**urn:nbn:de:hbz:466:1-45515**

vestimenti cum hæmoroïlla tangere, quam me beatum dicerem! patientia, mi Jesu, donec te video in cœlis. Sed & gratiam oro, ne cum Iuda sub specie bonitatis aut pacis simularè agam, te vel proximum verbis, factis vel corde circumveniam, sed in omnibus honorem tuum quærarū, te amem & proximum in sœcula sœculorum.

§. 65. Et confestim accedens ad Iesum dixit: Ave Rabbi. v. 49.

Ut primum vidit Jesum in horto Iudas, confestim accurrit gaudenter quasi novos in ejus scholam adducens discipulos, aut lœtum allaturus nuntium, accedit, salutat profunde, dicens: Ave Rabbi, & vocat Magistrum, cuius non vult esse discipulus amplius, sed proditor.

O Mi Jesu, à me longe sit deprecantum peccatum simulationis ut aliud lingua loquatur aliud cor sentiat, sit cum corde lingua una actio, nunquam inter se disgregentur vel aliud interius sentiam aliud exterius agam, unde simulator vel mendax dici aut haberi possem coram te vel hominibus.

§. 66. Et osculatus est eum. v. 49.

Nihil dubito erubuisse naturam universam in isto concursu oris execrabilis, & oris sancti vel corporis integerrimi & corporis spurcissimi. Nova fuit hæc Ecclipsis solis iustitiae, quem cœpit obtegere umbra inferni, sed ô fons indesinens pietatis Jesu, cur à Iuda cane illo ingratissimo te non avertisti, cum non vereretur oculum petere faciei oris tui! sed ipsum dulcem & amabilem vultum tuum in quo dolus non fuit ullus, ad spurcissimum illius malitia abundantem vultum suaviter applicuisti? suspicor ut intelligerem eum nolle fugere, sicut Iudas putabat, sed appetere mortem pro ipso, redimendo & salvando, & ut ex tam insperata bonitate converteretur adhuc salté in ipso instanti captivitatis suæ. ô incomprehensibilis mansuetudo, ô admiranda benignitas, ô humilitas inestabilis, ô immensa bonitas!

O Bone Jesu quoties & ego te in speciebus Venerabilis Sacramenti oscularor! utinam non ore læpe impuro aut frœrido peccatis ex mera patientia tua, qua venis ad me & te quodammodo offers ad fruendum dulcedine oris tui. ô me beatum si id sine proditione ago, ô infelicem si ab illa nō recedo. Te deprecor igitur non sit mihi Communio reatus ad pœnam sed intercessio salutaris ad veniam.

§. 67. Dixitque illi Iesus: Amice ad quid venisti. v. 50.

Non vocat illum Jesus discipulum, sed amicum: insinuando quod iam excusserit jugum disciplinæ, & relicta doctrina magistri velit esse suum magistrum. indulgendo igitur misero & cæco, Amicum vocat,

ac si diceret; Hoccine meritus sum de te ô Iuda, num peccavi in te lavans pedes tuos, curvans tibi genua mea, reficiens te corpore & sanguine meo? ad quid venisti? ad eone triginta argenteis me viuorem habes? cur declinavit ad avaritiam cor tuum & me sumnum ac perenne bonum reliquisti, vilissimo me pretio venderas, qui omnes in me habeo sapientiae & scientiae thesauros absconditos, cœlumque terramque locupletio & impleo. Amice ad quid venisti? quasi diceret; ad te ipsum quæsto intro convertere, in te ipsum paulisper descendere, redi ad cor tuum Columbia non habens cor: vide quo de veneris, ad verte quid feceris, etiamnum patet gratia mea, tantum cum dolore ad me revertere & ego tuscipiam te. Quis iam ultra lacrymas cohibere queat tam ineffabilem Christi erga proditorem suum attendens benignitatem? quis iam desperare ausit de misericordia Dei,

**O** Iesu dulcissime, si traditorum, si inimico, si nequam & infidelis servo tuo tam fidelis & ex animo adeò fuisti benignus, adeoque eum revocare & servare laborasti? quid ergo facies amicis tuis qui ex toto corde te querunt, diligunt & sitiunt, revera non est possibile cogitare suavitatem tuam, & vere dixit, qui ait in cor hominis non ascendisse quæ Deus paravit diligentibus te. & verè non est voluntatis tua mors & perditio impiorum, sed ut convertantur potius & vivant, omnes, omnes inquam in corde complexus es, nec aliquem à te repellis, nisi qui per malam voluntatem & obstinationem in peccatis sponte à te recedit. Domine tuncquam veniam ad te ut te prodam sed in æternum tecum maneam, servus enim tuus sum & esse volo in æternum, & protestor, si fors quovis modo me contigerit seduci & separari à te per peccatum, quod hic recessus meus nullus sit ipso facto: & velim relictum peccato sedire ad te pœnitens nec cupiam tantillo tempore hærere in peccato, quo dici posset: Ad quid venisti? Tu me igitur obsecro vel serva tecum vel abeundem à te eodem momento per gratiam tuam revoca me ad pœnitentiam, salvator meus.

§. 68. Tunc accesserunt & manus iniecerunt in Iesum & tenuerunt eum

v. 50.

Osculi signo dato vidilles recurrentes Iudeos gladiis strictis, funibus & hastis quasi tauros pingues circumdatos Iesum, & manus in eum inijcientes, quibus alij manus eius tenebant, alij caput stringebant, alii funes collo ministrabant alij verbera dabant, iectus, colaphos, alii trudebant, alii cachinnantes ridebant de præda, alii trahebant, alii trudebant, alii pedibus calcabant.

**O** Mi Iesu, quanta hæc catastrophe, ex te omnis est libertas, & ipsa tua libertas iam stringitur, coarctatur, ligatur, & prosternitur. quæ causa tantæ